

RESOLUCIÓN SOBRE A NON CONCESIÓN DUNHA SUBVENCIÓN AO ABEIRO DA MEDIDA LEADER DE GALICIA 2014-2020. CONVOCATORIA 2017-2018

I.- Identificación do proxecto

- GDR: 17 Grupo de Desenvolvemento Rural Salnés-Ulla-Umia
- Nº de Expediente: L17 1920 17 0031
- Titulo: Construción de edificación para uso mixto no MVMC San Martiño. O Grove
- Natureza: No produtivo
- Promotor: CMVMC San Martiño de O Grove

II.- Antecedentes

- O 31/03/2017 o promotor presentou unha solicitude de axuda para a execución do proxecto citado.
- O 26/05/2017 o equipo técnico do GDR emitiu un informe de control de elixibilidade (ICE).
- O 31/08/2017 a xunta directiva do GDR elaborou a proposta de non concesión da axuda.

III.- Fundamentos legais

- Acordo do Consello de Dirección de Agader do 10 de febreiro de 2016 polo que se aproban as bases reguladoras para a selección de estratexias de desenvolvemento local, para a selección e recoñecemento dos grupos de desenvolvemento rural como entidades colaboradoras na xestión da medida Leader de Galicia e para a concesión da axuda preparatoria, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020, e se convoca o correspondente proceso de selección, publicado mediante a Resolución do 11 de febreiro de 2016 (*DOG* núm. 42, do 2 de marzo).

-Acordo do Consello de Dirección da Agader do 16 de novembro de 2016 polo que se resolve a convocatoria sobre a selección de estratexias de desenvolvemento local e de grupos de desenvolvemento rural como entidades colaboradoras na xestión da medida Leader de Galicia, así como sobre a concesión da axuda preparatoria, cofinanciada co Fondo Agrícola de Desenvolvemento Rural (Feader), no marco do PDR de Galicia 2014-2020.

- Convenio de colaboración do 13 de decembro de 2016 entre a Axencia Galega de desenvolvemento rural (AGADER) e o GDR 17 Grupo de Desenvolvemento Rural Salnés-Ulla-Umia para a aplicación dunha estratexia de desenvolvemento local na medida LEADER de Galicia, cofinanciado co fondo europeo agrícola de desenvolvemento rural (FEADER) no marco do PDR de Galicia 2014-2020.



- Acordo de colaboración do 17 de xuño de 2016 entre a Axencia Turismo de Galicia e a Axencia Galega de desenvolvemento rural para a coordinación de actuacións públicas con incidencia no sector turístico promovidas no territorio de Galicia, no marco do programa de desenvolvemento rural de Galicia (PDR) 2014-2020.

-Acordo do Consello de Dirección da Agader do 29 de decembro de 2016 polo que se aproban as bases reguladoras para a concesión de axudas ao abeiro da medida 19 (LEADER), cofinanciadas con FEADER no marco do programa do PDR de Galicia 2014-2020 (DOG núm.12 do 18 de xaneiro de 2017.

-Resolución do 30 de decembro de 2016 do director xeral da Agader pola que se convocan, mediante tramitación anticipada de gasto, subvencións para a execución de proxectos ao abeiro da submedida 19.2 (apoio para a realización de operacións conforme á estratexia de desenvolvemento local participativo) da medida LEADER do programa de desenvolvemento rural de Galicia 2014-2020, para as anualidades 2017 e 2018, cofinanciadas co Fondo Europeo agrícola de Desenvolvemento Rural, publicado no DOG núm. 20 do 30 de xaneiro de 2017.

- Resolución do 24/03/2017, pola que se aproban, dentro das dispoñibilidades orzamentarias globais establecidas na convocatoria da medida Leader de Galicia para as anualidades 2017 e 2018, os importes máximos dispoñibles para o GDR, dentro das distintas tipoloxías de proxectos subvencionables ao abeiro da submedida 19.2 (apoio para a realización de operacións conforme á estratexia de desenvolvemento local) do PDR de Galicia 2014-2020.

- Resolución do 20 de xullo de 2017 do director xeral da Agader pola que se amplía a dotación orzamentaria da Resolución do 30 de decembro de 2016 (DOG nº 143 do 28 de xullo de 2017)

-Acordo de delegación do 11 de xullo de 2013 do Consello de Dirección Xeral da Agader, feito público mediante a Resolución do 24 de xullo de 2013 (DOG nº 148, do 5 de agosto).

-

IV.- Motivos de non concesión da axuda

Unha vez analizada a documentación remitida polo equipo xestor do GDR, consideramos que o proxecto non é subvencionable por: Segundo se sinala no anexo IV (resumo do proxecto e plan de xestión) o proxecto consiste na construción dunha nave para uso mixto: por unha banda a nave estará destinada a almacenamento de maquinaria agrícola e forestal, e por outra, a un centro de interpretación das rutas do entorno.

O destino da nave para almacenamento de maquinaria agrícola considerámolo non subvencionable posto que a súa natureza sería produtiva, e en base ao artigo 5 do Réxime de Axudas - apartado o) - non teñen a consideración de subvencionables os investimentos non realcionados directamente coas actividades desenvolvidas polo solicitante, e cando se trata dunha nave para simple almacenamento de maquinaria, enténdese que non incide no proceso productivo, e por tanto non terían a consideración de gastos subvencionables.

En relación á parte da nave destinada a centro de interpretación das rutas da contorna, esta precisaría dun proxecto específico e debidamente xustificado da necesidade de construír outro centro de interpretación a escasos 3 km do Centro de interpretación da natureza do Monte da Siradella. Ademais enténdese que o tipo de edificación destinado a tal fin, debe reunir unhas características diferentes que o adicado a almacén de maquinaria agro-forestal. Por outra parte, o listado de control específico das ofertas presentadas e escollidas (moderación de



custes) revela que o administrador da empresa escollida para realizar a obra obxecto deste proxecto é membro e vogal da Comunidade de Montes de San Martiño do Grove, promotora deste proxecto, polo que podería non estar acreditada a moderación axeitada dos custes propostos. Téñase en conta o sinalado no artigo 10.3 do réxime de axudas que indica que os provedores non poderán estar vinculados co promotor do proxecto ou cos seus órganos directivos ou xestores, agás que se conceda autorización previa a Agader e que a contratación da subministración do servizo se realice de acordo coas condicións normais de mercado.

Contra esta resolución, que pon fin á vía administrativa, poderá interporse recurso potestativo de reposición ante o Consello de Dirección da Agader, no prazo dun mes contado desde o día seguinte ao da notificación, ou ben directamente recurso contencioso administrativo ante o Xulgado do Contencioso- administrativo de Santiago de Compostela, no prazo de dous meses contados igualmente desde o día seguinte ao da notificación. Tamén poderá interpoñerse calquera outro recurso que se estime oportuno.

Santiago de Compostela

O director xeral de AgaderO director xeral da Agader
(Por delegación: Resolución 24/07/2013; DOG n.º 148, do 5 de agosto)
(Asinado electronicamente)

Miguel Ángel Pérez Dubois.

